

Polazeci od sadržaja Ugovora o uskladjivanju poslovanja Zadruznog saveza Federacije Bosne i Hercegovine sa Opstim zakonom o zadrugama BIH, diskusija i sugestija na sjednici Upravnog odbora održanoj dana 21.03.2006.godine, te aktuelnih potreba svojih članica Skupština Zadruznog saveza FBIH na sjednici održanoj 12.04.2006.godine, usvoila je

OKVIRNI PROGRAM RADA ZADRUZNOG SAVEZA FEDERACIJE BIH ZA 2006.GODINU

Okvirni program rada Saveza za 2006.godinu sadrži šest osnovnih grupa poslova i radnih zadataka

1. Razvoj zadrugarstva i zadržne saradnje
2. Poslovna politika i aktivnosti Saveza
3. Saradnja sa državnim organima
4. Informacije i edukacija kadrova
5. Organizaciono – normativna djelatnost
6. Aktivnosti i saradnja na međunarodnom planu

I

Razvoj zadrugarstva i zadržne saradnje biće u središtu aktivnosti Zadruznog saveza Federacije BIH i njegovih organa.

Sadašnje stanje u zadrugarstvu zahtijeva da se u Program uvrste pitanja iz domena Federacije i Bosne i Hercegovine. Iz domena Federacije nameće se nekoliko aktuelnih pitanja

- Aktivnosti na osnivanju novih zadruga i povećanju broja članica Zadruznog saveza Federacije BIH, odnosno zaustavljanju daljeg osipanja članica Saveza.
- Zadržavanje postojeće i dalje razvijanje zadržne infrastrukture.
- Stalno lobiranje, utjecaj da se mijenja javno mnijenje o shvatanju i razumjevanju zadrugarstva.
- Organizovanje i obavještanje građana o mogućnostima savremenih zadruga u rješavanju njihovih životnih problema, te operativniji rad na njihovom osnivanju tamo gdje građani za to pokažu interes.
- Zaživljavanje Zadržne revizije putem koje se mora definitivno rasčistiti sa negativnim stvarima u zadrugarstvu po cijenu likvidacije značajnog broja zadruga

koje štete ugledu zadružnog sektora. U ovoj godini u saradnji sa Federalnim ministarstvom Poljoprivrede, vodoprivrede i šumarstva, treba uraditi oko sto revizija.

- Uvezivanje svih vidova i nivoa udruživanja poljoprivrednih proizvođača u zadružni mehanizam u cilju zadružnog lobiranja i bolje organizacije zadrugarstva.
- Oživljavanje rada i omasovljavanje sekcija, povećanje uticaja sekcija pri Zadružnom savezu Federacije BiH.
- Od interesa je za Bosnu i Hercegovinu u cjelini da se razvijaju oblici saradnje sa odgovarajućim asocijacijama i organima u Republici Srpskoj, te da se poboljša funkcionisanje Zadružnog saveza Bosne i Hercegovine u skladu sa Opštim Zakonom o zadrugama Bosne i Hercegovine.

II

Dobar dio aktivnosti Savez će usmjeriti na pitanja iz oblasti poslovanja, odnosno stvaranja uvjeta za uspješnije poslovanje zadruga i drugih članica. To se, prije svega, odnosi na:

- Adekvatnu zaštitu domaće proizvodnje i nelojalnu konkurenciju
- Procjene i razmatranje rezultata poslovanja članica Saveza u 2005.g.
- Analiza zakonskih i ekonomskih uslova u kojima posluju članice Zadružnog saveza Federacije BiH, sa posebnim osvrtom na PDV.
- Ublažavanje posljedica nedostatka povoljnih kreditnih sredstava za tekuće poslovanje i investiciona ulaganja.
- Sagledavanje specifičnih teškoća pojedinih vidova zadrugarstva (zemljoradničkog, stambenog, omladinskog, uslužnog, zanatskog i dr.)
- Organizaciono poslovnu konsolidaciju ili likvidaciju preduzeća Prompt d.o.o.

III

Bitan preduvjet za prevazilaženje brojnih teškoća je dobra saradnja Saveza sa državnim organima. U okviru saradnje sa državnim organima pažnja će se prvenstveno usmjeriti na sljedeća pitanja

- Donošenje zakona o zemljoradničkim, stambenim, omladinskim i štednokreditnim zadrugama prema zahtjevu članica.

- Razgraničenje zadružne i državne imovine u zadrugama
- Zakon o poljoprivredi, zakon o poljoprivrednom zemljištu i poticajima u poljoprivredi
- Iznalaženje mogućnosti i vidova podsticanja i zaštite domaće proizvodnje.
- Iniciranje i osmišljavanje ideje da se na nivou odgovarajućeg državnog organa u Federaciji BIH (Vladi) osnuje odgovarajuća služba za zadrugarstvo, koja će pratiti razvoj zadrugarstva kao oslonca privatne inicijative i poduzetništva.
- Savez će se angažirati i na svim drugim poslovima od značaja za svoje članice.

IV

Nastavit će se aktivnosti na potpunijem informisanju članica o pitanjima od interesa za njihovu poslovnu politiku i za veće prisustvo zadružne problematike u medijima, kao i aktivnosti na edukaciji zadružnih kadrova.

- testiranje interesa i mogućnosti za ponovno izlaženje priloga “Zadruga plus” u okviru poslovnih novina.
- Iznalaženje mogućnosti pokretanja novina o poljoprivrednoj problematici.
- Ostvarivanje Programa edukacije zadružnih kadrova u zemlji i inostranstvu u saradnji sa međunarodnim organizacijama koje djeluju u našoj zemlji i Zadružnim savezom Bosne i Hercegovine.

V

U okviru organizaciono – normativne djelatnosti Savez će usmjeriti aktivnost na donošenje potrebnih normativnih akata. U tom kontekstu sagledat će se i mogućnosti saradnje sa Privrednom/ Gospodarskom komorom Federacije BIH, te će se izvršiti zamjena određenih članova organa Saveza u cilju efikasnijeg rada i djelovanja Saveza. Zavisno od ciljeva, prioriternih potreba i materijalnih mogućnosti prići će se zapošljavanju odgovarajućih profila kadrova u skladu sa uslovima utvrdjenim Odlukom o organizaciji i sistematizaciji. Prije svega mora se uposliti profesionalac, Predsjednik Zadružnog saveza Federacije BIH.

.....

VI

Nastavak međunarodne zadružne saradnje preko Zadružnog saveza BIH dio je aktivnosti koje se odnose na ZS FBIH (saradna sa IC-om, KF projekt centrom, CHF-om DRC i dr međunarodnim organizacijama i savezima iz drugih država.